

COMUNICATO n. 2079 del 11/09/2020

Traduzione in cimbri

Covid, maz auzgelekk sin daz mindarste atz 7 von bimmat

Auleng di halbmask auzzalt sèmm boma magat khemmen z'soina in kartza vil, stian bait ummaz von àndar un schützhüttn aft pèrng offe vor alle di sèlln bodaz vorsan. 'Z soinda khent vorlengart von Vorsitzar vodar Provìntz sin atz 7 von bimmat alle di maz kontra in Covid bodada sa soin gest in Trentino. Ditza machta auz dar vorschrift untarschribet von Vorsitzar dòpo azta iz khent àgenump dar dekrèt von Vorsitzar von Ministar Rat. Zbisnen allz daz àndar dar vorschrift nimp à daz sèll boda khint vürgelekk von naüng natzionàln regln vor berda zuarkhint in Beleschlànt vo Kroazia, Grecia, Malta un Spånja: 'z izta nemear menzl azza machan in tufar azza pasàrn in Beleschlànt un stianda mindar baz 120 urn.

Dar Vorsitzar hatt khött ke asó azpe bar soin gelekk est izta menzl no zo halta alle di sèlln maz kontra dar pandemì boda sa soin gest khent augelekk atz halbe von höbiat. In Trentino tarftma gian vür auzolega di halbmask bovràll balma sait atz innate un, auzzalt alle di sèlln vert boma nèt mage stian bait ummaz von àndar daz mindarste an mètro, übarhaup vode sèkse abas sin di sèkse mòrgas. 'Z stianda no hërta guat alle di sèlln pratike boma mocht machan zo maga arbatn.

Pinn vorschrif von 8 von herbestmånat khinta vornaügart azta stian gespèrrt di diskotèke un azma nèt mage tãntzan njãnka in di lokél boda khint gemacht musik.

Übarsetzt von Schaltarle vor di zung von Toalkamou vodar Zimbar Hoachebene

(Traduzione a cura dello Sportello linguistico della Magnifica Comunità degli Altipiani Cimbri)

<https://www.ufficiostampa.provincia.tn.it/content/view/full/175490>

(cdt)